

『三國佛法傳通緣起』卷下 律宗

律宗教法其來尚矣。欽明天皇御于壬申佛法初傳。

(中略)

第四十代天武天皇御宇白鳳四年乙亥四月請僧尼二千四百餘人大設齋會。僧尼雖多未傳戒律。天武天皇御宇詔道光律師爲遣唐使令學律藏。奉勅入唐經年學律。遂同御宇七年戊寅歸朝。彼師即以此年作一卷書名依四分律抄撰錄文。即彼序云。戊寅年九月十九日大倭國淨御原天皇大御命勅大唐學問道光律師撰定行法。〈已上〉奧題云。依四分律撰錄行事卷一。〈已上〉淨御原天皇御于已遣大唐令學律藏。而其歸朝與定慧和尚同時。道光入唐未詳何年當日本國天武天皇御宇元年壬申至七年戊寅歲者。厥時唐朝道成律師滿意懷素道岸弘景融濟周律師等盛弘律藏之時代也。道光定謁彼律師等習學律宗。南山律師行事鈔應此時道光賣來。所以然者。古德記云。道宣律師四分律鈔自昔傳來。而人不披讀空送年月。爰道融禪師自披讀之爲人講之。自爾已後事鈔之義人多讀傳。〈已上取意。〉

(中略)

天武天皇御宇戊寅已後經五十九年至聖武天皇御宇天平八年丙子大唐**道璿**律師來朝。此時多齋華嚴章疏及律宗事鈔等來朝。璿公住大安寺恒講律藏行事鈔等。厥時人多習學律藏。即於大安寺最初講行事鈔。善俊律師等明律名匠即彼門人也。**道璿**律英雖先來朝。僧衆不。足不能乘行結果意登壇受具戒法。啻恒講敷律藏而已。

(中略)

鑒眞勝寶五年十二月二十六日入大宰府。遣唐使等此年歸朝。

(中略)

去天平五年癸酉勅興福寺永叡禪師。大安寺普照大德入唐留學。并請傳戒律之僧。先請東都大福先寺**道璿**大德令向日本。**道璿**年三十五。天平八年丙子。當唐開元二十四年丙子。隨副使中臣朝臣名代之舶方來朝矣。而師僧不足。不行壇法。叡照二德留唐學問。具經十年欲歸日本。天寶元年壬午詣大明寺請鑒眞師。酬雅請故。明年發足而天平勝寶六年癸巳來朝。

(下略)